

Общественно-политическая газета
Ханты-Мансийского автономного округа – Югры

ХАНТЫ ЯСАҢ



www.khanty-yasang.ru

ПЯТНИЦА

8 ноября 2013 года

№ 21 (3393)

Основана 1 ноября 1957 года

Олимпийской тут Ёмвоша юхтас



Ирина Самсонова верумхур

Тәм
номерән
лұңтаты

5

Хутыса
Нефтеюганской
район Лемпино
кэртәң мир
вәлдәт

7

«Торум Маа»
музейн Молдан
йис рәт олаңан
вандтупсы вәс

8-9

«Элалъ» немпи
шуши мир
пурмәсәт
лэщәтты тәхи
15 ода йис

15

Ёмвошн мир
ольпәң хурәт
хәншты
вәндтылдсәт

16

Вухаль мир йис
путрәт «Именитые
богатыри обского
края» кимит
киникайн етсәт

Ай тӕхет потты тыдӕш 24-митн округ дума 26-мит мирхот вӕс, щӕта хӕс вер нух вантсы

Округ дума 26-мит мирхот

Югра мӱв дума депутатӕт налог олаӕн поступсы вӕсӕт. Тӕм ут хуӕат налог ӕн питдӕт сухуптӕты ши тӕхет кӕщайт, хуйтат малой па средней бизнес пӕты хот йитӕт мӕлдӕт. Газ мӕты тӕхет, почтайт ищи 50 процент арат налог сухуптӕты ӕн питдӕт. Мосӕн, едды почтайт ямшӕка рӕпитты питдӕт.

Мирхот пурайн транспортной налог олаӕн путӕр мӕнӕс. Ин газ ширн янхты грузовой машинӕйт муй автобусӕт тӕйты ӕх пӕта ищи 50 процент арат транспортной налог нух вӕсы. Округ дума кӕща ясӕн ширн, мосӕн, тӕм поступсы вӕты юпийн дыл шив систамайыл.

Юхи хӕшум олаӕтн ванкӕтды рӱвац пурайн вӕнттӕтн дӕды, щит пӕты Югра мӱв депутатӕт Россия правительствӕ ӕха пицма хӕншӕт, дӕдн дыв тӕт хӕрӕтты олаӕн поступсы йилуп ширн ӕт версӕт. Вӕнт тӕтн дӕты пурайн итӕх мӱв илпи питы вуй вӕты тӕхет рӕпатнекӕт ищи дӕнхасӕт тӕт хӕрӕтты, тӕп ши вертӕты пӕты лицензия непек ӕн тӕйлӕт, ширн щит верты ӕн рӕхӕс. Ин вӕдты поступсы хуӕат вӕнтӕн мӱв пидӕ ӕн рӕпитты тӕхета шимӕш лицензия непек давӕрт вӕты, дыведа тӕп рӕпитты тӕхедал пӱнӕдн тӕт хӕрӕтты рӕхл.

Людмила ШУЛЬГИНА

Хӕлум ол мӕра ӕн тӕрмум бюджет

Мӕнум тыдӕш 23-митн вух лӕнӕтты па артадӕты департамент кӕща ими Вера Дюдина пидӕ вӕйтантупсы вӕс. Щӕта едды хӕлум ола вӕты округ бюджет олаӕн путӕр мӕнӕс. Мосл ястӕты, хуты хӕлум ол мӕр бюджет дефицитная питл. Вӕйтантупсыйн айкедӕт ӕкӕтты ӕх иньшӕссӕт, муй ширн едды вӕдты питлӕв?

Вера Аркадьевна ясӕн ширн, округ бюджета мет ар вух мӱв илпи таш вӕты тӕхет эвӕлт йил, щит пӕты вӕты мосл, муй арат питы вуй нух вӕды па муй арат тынӕн тынхыты питды. 2014-мит олн питы вуй 253 миллион мултас тонна араткем нух талды, 2015-мит олн – 249 миллион мултас па 2016-митн – 247 миллион тонна арат. Йилуп олн и баррель тын 101 доллара хойл, едды кӕт ол мӕр – сот доллар вух арат.

Едды В. Дюдина путӕртӕс, муй арат вух бюджета мӕнл. Йилуп олн 166,4 миллиард мултас, 2015-митн – 172,2 миллиард па 2016-митн –

178,9 миллиард шойт вух. Хӕлум ол мӕр ши арат вух хултуптӕды: 2014-мит олн – 187,5 миллиард, 2015-митн – 192,7 миллиард па 2016-митн – 194,6 миллиард шойт вух.

Кӕща ими лупӕс, хуты мет ар вух социальной вера хултуптӕды: 2014-мит олн – 30,1 миллиард, едды кӕт ола и миллиард шойт вух аршӕка мӕнл. Мир лекшитты вера па олн 48 миллиард, 2015-митн – 49 миллиард па 2016-митн – 52 миллиард шойт вух мӕнл. Вӕндтӕты вера – 51 миллиард, 54 миллиард па 55 миллиард шойт вух. Щиты бюджет эвӕлт социальной верӕта 70 процент арат вух мӕнл.

Шимӕлшӕк хуят нӕртама вух вохты питсӕт

Ай тӕхет потты тыдӕшн УВД кӕща Василий Романица коррупция вер олаӕн путӕртӕс.

Юхи хӕшум яртӕян тыдӕш мӕрокурегвн 633-кем шимӕш вер вӕс, тӕнӕд – 798-кем арат вӕдӕс. Тӕм пӱш шикӕш ши вер шимла йис, тӕп мет ар хуят ши атум ута вӕянтыйлсӕт. Тӕм олн кӕртӕн па вошӕн кӕща хотӕтн хӕлумхушӕн хуят коррупция верн катӕлсыйт, тӕнӕд вет хуят вӕс. Мет ар рӕпатнек Нижневартоскӕн, Сӕрхандӕн, Ёмвошн па Сӕрханд районӕн лодмахӕт ширн вух холумтсӕт. Арсыр рӕпата тӕхеткӕтн сырыты здравоохранение па образование хотӕтн мет ар мир хӕннехӕйт депӕлтман вух вохсӕт, леккар хотӕтн 158-мит пӱш шимӕш вер вӕс, нывремӕт па айдат ӕх вӕндтӕты тӕхетн – 98-кем вер питылдӕс.

В. Романица лупӕс, муй пӕты 2013-мит олн шимӕл

хуят ӕн рӕхты ширн вух ӕша павӕтсӕт. Вантӕ, округ правительствӕ ар ӕр пунл, дӕдн шимӕш вер ӕнтӕм вӕс, щӕдта рӕпата хотӕтн кӕщайт ямсыева дерамтты питсӕт, дӕдн рӕпатнекдал хӕннехӕйт эвӕлт вух ад вохдӕт. Адпа, щит пӕты тӕм пӱш ЕГЭ миом пурайн вух вӕты ӕх ӕн катӕлсы.

ОВД хуши ищи нух вантды, дӕдн полиция ӕх мир эвӕлтвзятка вухӕтад вӕсӕт. Тӕм олн 38 шимӕш хуят катӕлсы, хӕс хуят ГИБДД хуши рӕпитсӕт, и хуят – военкоматн, па ӕх судебной пристава вӕсӕт. Итӕх пурайн хӕннехӕйт полиция ӕха вух сухуптӕты ӕн дӕнхалӕт па ши вер олаӕн ОВД хота пицмайӕт хӕншӕдӕт. Тӕм олн хӕлумӕн мултас хуят ши хуятӕта нӕртама вух сухуптӕты каш ӕн тӕйсӕт

Едды департамент кӕща ими лупӕс, муй арат вух бюджетн ӕн тӕрмал: 2014-мит олн – 21 миллиард, 2015-митн – 20,5 миллиард па 2016-мит олн – 15,7 миллиард шойт вух. Россия президент Аснопӕтты тыдӕшн китум ясӕн ширн округ кӕщайт иса социальной верӕт верлӕт. Щиты тыдӕш вух вӕна верты пӕты 63 миллиард шойт вух есӕлды.

Айкедӕт ӕкӕтты ӕх иньшӕссӕт, худшӕ ӕн тӕрмум вухӕт вӕдӕйт? В. Дюдина лупӕс, хуты налог вух эвӕлт па бюджетной вух тӕнширӕна хултӕты питды. Итӕх рӕпитты тӕхет ияха верлӕйт, мир лекшитты хотӕт айлдӕтыва государственная йилдӕт.

Юволаӕн Вера Аркадьевна сопасн тӕйты вух олаӕн ай тӕс, ин щит 13 миллиард шойт вух, едды вӕна верты ӕн питды.

Людмила СПИРЯКОВА

па дыв кӕщайдала ши олаӕн пулӕш непекӕт китсӕт.

Муй арат хуят коррупция пӕты сӕта мӕсыйт па кӕсна хота омӕсыйт? Василий Иванович лупӕс, 2013-мит олн 130-кем уголовной вер нух вантсы, тӕнӕд 98-кем шимӕш вер вӕс. Лӕвнӕмӕс, вӕунавӕта вӕдты ӕх айкемн худыева сӕтытлӕйт. Тӕм ванӕн Сӕрханд районӕн здравоохранение рӕпатнек и хуятӕт партӕс лӕведа ярсот шуӕс шойт вух сухуптӕты, ши пӕты сӕтытсы па условной ширн вет олн мӕсы па ши вухӕт лӕведа сапла пунсыйт. Октябрьской районӕн вошӕн кӕща лӕнцӕр хӕ хот омӕсты ӕх эвӕлт нивлсот шуӕс шойт вух вӕты вӕратӕс. Полиция ӕх ши олаӕн уша павӕтсӕт, интум ши вер дерамтды па ши юпийн ши хӕ ищи сӕта мӕды.

Реональда СУРЕЙСКАЯ

Мирәт вәлупсы нух вантты питды

Всероссийской Увас мирәт ассоциациян рәпитты җә ай павәтсәт, дыв ешайн Госдума мир унтасн дерамтты пиньшәдәт, муй ширн тәм йисн ай мирәт вәддәт па хутысаты дыведа нәтты.

Ши ут Российской Федерация национальной политика вер вүраңн ләшәтты питды. Хән щит етшуптәды, Госдума хуши национально-стят хот йитн ши олаңән путәртты арсыр җә яха әктәшдәт. Әхәт мәтты верәт тўңмәтты пәты дыв федеральной тәхета непекәт китдәт.

Дерамтты верн ин уша павәтты питды:

– хутысаты Увас мирәт вәлупсы па культура ән вәтшәты;

– шуши мирәт правайт

вәньдәты олаңән;

– муй ширн социаль-но-экономической верәт тўңмәтты, ләдн щит унтасн ай мирәта кена вәдты питәс.

Мосл лупты, тәм верәт шуши мирәт ассоциациятән рәпитты җә нух вантты питдәт, шәлдә арсыр Увас җә, хуйтат ши вер тәса вәдәт, ши олаңән лупты кәс па тәйләт.

Всероссийской Увас мирәт ассоциация әйкел тулмаштәс Реональда ОЛЬЗИНА

Тәм 2013-мит од вўш эвәдт па 2017-мит од вәнта служитты мәнты айлат җә пәта Ёмвош округев кәшайт йилуп поступсы вўсәт. Ши ут хўват пухәт немасыя арсыр кәсты ширәта вәндтәты питдәйт, ләдн дыв тәксара па әра ат йисәт. Шимәш вудаң вер пәта округев вух дўңәтты тәхи эвәдт 32 миллион шойт вўх есәдды.

Армия мәнты айлат җә пәта

Югра мўв кәша не Н. Комарова ши олаңән лупәс, Ёмвошн па Нефтеюганскән айлат җә пәта шимәш кәсты хотәт омәсты мосл. Ши тумпийн Ёмвошн Центр вәд, хута иши йилуптренировочной комплекс «Парк развития технологий» пўншды.

Ёмвош округев образования па айлат җә верәт артадәты департамент

кәша юкана вәдты не Л. Максимова путәртәс, хути армия тәксар па сыр-сыр верәта вәндтум айлат җә Югра мўвев эвәдт вўты питдәйт. Тәп ши вер ләшәтты пәта шеңк ар рәпата верты мосл.

Округев губернатор пресс-служба әйкел

Хәнты ясәңа тулмаштәс Владимир ЕНОВ

Ёмвошн оса тәхет вән мирхот мәнәс

Ай тәхет потты тыдәш 18-19-мит хәтдәңән Ёмвошн нядмит пўш оса тәхет форум па некоммерческой тәхет ярмарка мәнсәңән. Тыв округев 22 район па вошәт эвәдт 250-кәм хуят әктәшдәс. Мирхот пўншум пурайн общественной связят департамент кәша И. Верховский лупәс: «Тәм хәрн кәд, муйсәр ям верәт оса тәхетн рәпитты җә әд хәннехуятәт пәта ләшәтләт. Кашәң хуят веритәд па хуята нәтты па унтас тәты».

Тәм вән мирхота Москва хон вошев па Уральской Федеральной округ вошәт эвәдт мойң җә па юхтылдсәт. Вандтупсийн Ас-угорской айлат җә тәхи па Кондинской район эвәдт «Силава» немпи нявремәт мойң җә рўтышәты община альман вәсңән.

Округ губернатор ими Н. Комарова вандтупсийн арсыр тәхет кәшайт пида путәртәс. Юхтум җә ведьши тывум тәхет рәпатайдал вандтәсәт, щит «Центр слуха «Аудиофон», шәта пәдды җә нәтдәйт, «Север-Запад» немпи тәхи хуятәт, дыв хотәтн па хотәт пўңәдн мәшәң җә пәты мосты утәт ләшәтләт.

Мирхот пўншум пурайн округ кәша ими оса тәхетн рәпитты җә ям ясңәт лупәс, хути дыв әд хәннехәйт пәты ар ям ут верләт. Кәша җә форум пурайн нәмәсты питдәт, муй ширн итәх государственной верәт оса тәхетн рәпитты хуятәта тәты.

Наталья Владимировна ям ясңәт лупәс кәт оса тәхия, дыв Россия мўв президент грант вух холумтсәңән, щит наркомания па яньшты вер эвәдт лекшитты «Нуви әш» немпи тәхи па Вудаң Отечественной ләдә мәнум хәрәтн кәншты вер ләшәтты «Долг и память Югры» немпи җә.

Округ Общественной палата кәша В. За-



болотский ясәң ширн, Югра мўвевн ар ут верды, ләдн аршәк оса тәхи ат тывәс. Дыв пәтәда Общественной палата җә арсыр вәндтәйтты хәрәт ләшәтләт. «Тәм йисн ям, хути вудаң поступсы вўты едпийн иса мир иньшәсдәйт, рәхл муй әнтә тәм муй тум поступсы вўты. Ши тухадпи кашәң поступсы оса тәхет җә ямсыева нух вантләт», – юволаңән ястәс В. Заболотский.

Тәм вән мирхот пурайн округ правительствә җә па «Агентство стратегических инициатив по продвижению новых проектов» немпи тәхи хуятәт ияха рәпитты пәты «Кашашты непек» хуша җәш пос пунсәт.

Форум мәр арсыр еңта пәсанәт рәпитсәт, шәта путәртсы, ләдн едды иши оса тәхет форум па социальной верәт вандтәты хәрәт ияха ат ләшәтсийт. Людмила ЛОНГОРТОВА

Йилдуп поступсы щирн хотāt мātы питдыйт

Тām ванāн округев хущи хотāt ортты вер пāты йилдуп поступсы есāлтсы, щит «Обеспечение доступным и комфортным жильем жителей Югры в 2014-2020 годах» нем тāйл. Щит ропāхн хотāt мийдаты пиньщāдыйт 2014-мит одн Ас хāлдты тыдāщ одāнмит хāтл вўш эвāлт. Щи вер одāнāн ай павātты пāты ай тāхет потты тыдāщн айкел āкātты ёх пида губернаторэв лāнкāр хē Дмитрий Шаповал, хотāt омāсты департамент хущи кēща юкана вэдты хуят Андрей Кривуляк па «Ипотечное агетство Югры» ух хē Евгений Чепель вейтантыйдсāt.

Д. Шаповал лупās, округ хўваттыйн интум 53 шурās семья хот давāлдāt, лывела хотāнā йиты пāты субсидия вух вохты рāхл. Щит айлāt ёх семьяйт, шуши ёх па бюджетной тāхетн рēпитты хāннехēйт. Кашāн тыдāщ 48-кем шурās семья хот лētты вухсухуптāты пāтыкāsна

эвāлт вухн мийдāдыйт, щит айлāt ёх семьяйт, бюджетникāt па очередник немуп мир. Йилдуп поступсы вўраңāн 2014-2020-мит одātн округев кāsна эвāлт 26-кем миллиардатойтвуххотāt ортты вера тāруптāды. Па тāхетэвāлт вўты вухātунтасн юводāн хēлум тāдн ши вера 75-кем милли-



ард шойт вух мāнāл. Тām одн вет мултас миллиард мўев кāsна эвāлт хотāнā йитыа сухуптāды, па пўш щимāщ вух яртъянкем миллиард шойт вух вўша йил.

А. Кривуляк ай павтās, хути 2014-мит од вўш эвāлт хот лētты вухн мийдаты питдыйт тēп шуши мирāt па ши хāннехēйт, хуйтат округевн ветхущъян мултас од вēлдāt. Хуйтат шимл од вēлдāt, нух нētты вухн āн мāдыйт, лыв рыночной тынāтн хот ат дētлāt. Лўв яснāл щирн, па пўш тāmāщ мирāt вухн нētты питдыйт, хуйтат иса хот āн тāйлāt муй 12-кем квадратной метра арат хотлāдн āн тāйлāt:

- шуши ёх;
- айлāt семьяйт (35 ода йиты вēнты хуятāt);
- айлāt учителят па учēнойт;
- хот вохты нартупн лодьты ёх;
- лодьщик немуп хāннехēйт.

Тāmāщ семьяйт па хāннехēйт па пўш Ас хāлдты тыдāщ вўш эвāлт кāt миллионшойтāн процентной ставкасухуптāты вухн мийдаты питдыйт. Е. Кривуляк лупās, 2014-мит одн кāsнаев эвāлт няд миллиард шойт вух ши нētупсыя мāнл, па пўш

800-кем семья хотāнā йиты вух мāдыйт.

Мосл лупты, сыры хāннехēйт хēлум од субсидия вух давāлтсāt, интум мет хўвшāк давāлды питлāt. Вантē, юхи хāшум олатн арсыр верāt тўнмātты пāты кāsнайн вух āн тāрумл.

Е. Чепель арендной хотāt омāсты одāнāн путāртās. Округевн щит йилдуп вер. Тēнял мўн мўев правительства ши одāнāн поступсы хāншās, щит вўраңāн 2016-мит од вўш эвāлт 2020-мит од вēнты щимāщ хотāt омāсты питдыйт. Щāта нявремāt вēндтāты ёх, тохтўрāt, бюджетникāt вэдты питлāt, хуйтат хот лētты вух āн тāйлāt муй хот лētты āн лāнхāлāt. Тām пўдяң Нефтеюганск хущи щимāщ хот омāсты пиньщāсы, ешайн Сэрхандāн па Ёмвошн иши омāсты питдыйнāн. 2014-мит одн ши хēлум хот омāслыйт па хотды вэлты ёх щив касāлдāt. Мосл лупты, 2016-2020-мит одātн нумās вэд округевн 250 шурас арат квадратной метра арендной хотāt омāсты, кашāн од ветъянкем шурās арат метра верты питды.

**Реональда
ОЛЬЗИНА**



Лемпино кэртяң ёх вэдупсы

Тата мосванян ма Лемпино кэртян Нептеюганской районан вэсум па кэща не Наталья Николаевна Фоменкина пида вэйтантийдсум па путремасум, хутыса дыв хущеда ханнехуятат вэдлэт. Там рўш ими 1997-мит одн щив юхтас. Сыры дўв ашколайн нявремат вэндтуман рэпитас па 2008-мит одн кэртяң кэща неңа пириса. Хуты ши вер вэс, дўвед иньщасум.

– **Наталья Николаевна, муй щирн нян там тахийн рэпитты пйтсән?**

– Сырыя ма, вантэ, ашколайн нявремат вэндтасум. 2007-мит одн кэртяң администрация хота депутата пирисыю. Россия мўвев законат щирн лапат шимаш ханнехэ эвэлт идем хуят иса кэщия йид. Щиты 2008-мит од вўш эвэлт ма Лемпино кэща неңа пунсыю. Вет од мэр иса вешката рэпитсум. Щадта там сўсн, лыпат хойты тыдәшн кимит пўш кэртяң кэща пирисы па ма йидпа нух пйтсум. Ин ищиты елды арсыр ханнехэ нўшайт пида вулкемалум па тата вэдты мирема нётлум.

– **Муй пата нын кэртян Лемпино нем тайл?**

– Там кэртэв шимаш немйиспурайт вўш эвэлт тайл. Шушия вэдты ёхлўва ки эвэлты, там тахийн мет олаңан ханты ики хоттел хуятлад пида ай кэртые вермал. Дўв Лемпин опраш нем таймал па щит пата мўң кэртэв иса Россия мўв Екатерина хон ими вэдмал вўш эвэлт арсыр непекайн шимаш неман нух ханшман вэд.

– **Наталья Николаевна, муй арат ханнехэ нын кэртян хуши тамхәтл вэд па муйсәр тахетн дыв рэпитлэт?**

– Тамхәтл Лемпино кэртэвән араттелн 495 ханнехэ тайлўв. Дыв күтедн 160 хуят ханты мира ханшаньшман вэдлэт. Мўң хущева ханнехуятат тәп бюд-

жетной тахетн рэпитты щир тайлэт, щит администрация хот, ай пәдница, күтүп ашкола, ай нявремат лавалты хот, культурно-спортивной комплекс, тўт хәрәтты тахи, хотат хошмалты тахи па ши



тумпийн немудты па ан тайлўв. Ши тахетн, вантэ, ар пеләк иса неңат рэпитлэт. Шуши мир хуятат, щит Салым юхан хәнтәт, катрапурайтиты, вой-хўд ведпәсдуман па воньшумут әкәтман вэдлэт. Итәх ёх дыв күтәдн рәт щирн тайты мўвәта ханшаньщәт па щит пата мўв илпи таш кәншты рўщәтн хопсәвәс моторәтн муй «Буранәтн» па бензинән мийдәлүйт.

– **Ши хуятат, алпа, культураед па ясәел тамхәтл вәнты тайләл?**

– Антә. Там йисн дыв ханты культура вердал, ләмәтсухдал па ясәел иса худыева юремәсдал.

– **Арсыр кэртяң мир хә ёх па хута рэпитлэт?**

– Хәшум хуятат вахта щирн арсыр сервисной компанияйт хуши рәпата мушәтсәт па итәх ёх Пойковской вошн рәпитлэт. Мўң кэртяң ханнехуятлўв эвэлт тамхәтл тәп няд ханнехэ рәпата ан тайл.

– **Муйсәр мет лавәрт**



Интернет эвәлт вўмхурайт



вернын ай кэртян хуши вэд па муй щирн щит тўңматләты?

– Ма щиремн, щит йилуп хот омәсты муй государства эвэлт дўвед холумтты щир. Кимит лавәрт вер – там Лемпино кэртэвн хә хуятат пата рәпата антәм. Вантэ, кашәң ханнехэ тата дўв хоттел ёхдал пўңәлн вэдты па рэпитты ләңхәл.

– **Наталья Николаевна, нын кэртян эвәлт елды вәндтгылдты айдат ёх институтат муй университетат етшуптаты юпийн юхды керләләт муй па тахета вэдты мәнләт?**

– Ар пеләк айдат ханнехэ вәндтаты тахет юпийн па вошәта муй кэртәта мәнләт. Тәп училищайт етшуптум пухәт юхды юхәтләт па тата войхўд ведпәс унтасн елды вэдты щир мушәтләт. Әл рәпата иса антәм. Ин мўң кэртяң администрация хотэва бухгалтер не кәншлўв. Ши тум-

пийн күтүп ашколаева нявремат английской ясәна вәндтаты ханнехэ па ан тайлўв. Там одн кәт учитель тыв рэпитты вохсўв. Итәд ашколайн математикая па физикая нявремат вәндтәл, дўв Башкирия эвәлт юхтәс па иса йилуп хотән мәсәв. Кимит ханнехэ Югорской университетт етшуптас па ин тата пухәт па эвет историяя па обществознанияя вәндтуман рәпитл. Дўведа ищиты ипуляң вэдты хот йит вәйтсўв.

– **Муйсәр нумсәт нын кэртяң ёхлан елды яма вэдты-холды пата тайләты?**

– Шеңк ям нумсәт щит пата тайлўв па вера ләңхәлўв, ләдн кашәң ханнехэ хоттел ёхдал пида тумтака па яма елды ат вәс! Лемпино кэртэв йиспурайт вўш эвәлт вәс па елды ищиты вэдты пйтл!

Владимир НОСКИН

Мўң нявремлўв яма вэнлтҰдыйт



Кәсум вошн Нуви сәңхум районән вәдмемән, немасыя ашколая яңхсум па кәща не Татьяна Павловна Чагина пида вейтантыйдсум па путартсум. Тәм рўщ ими сыры олатн Русскинской кәртән Сәрханд районән ищи ашкола-интернат кәща неңа рәпитәс. Лўв ясәңдал эвәлт уша йис, хути нядмит од юхды Кәсум ашколая рәпитты китсы. Араттелдн Татьяна Павловна 40 ол нявремәт вәндтуман вәд. Муй щирн йилуп тәхийн рәпитты питәс, дўвед иньщәссум.

– Татьяна Павловна, хути Кәсум ашколайн арсыр рәпата верәт мәнләт па муй арат нявремтәта вәндтыйд?

– Мўң Кәсум ашколаев 1931-мит одн пўншы. Ин нявремлўв йилуп ашколайн вәндтыйлдәт, мәта ут төп 2008-мит одн омәссы. Щи тумпийн интернат хот па тәйлўв. 2005-мит одн шуши мир пухәт па эвет йилуп хотн вәдты питсәт. Ашколаева

араттелдн 220 айдат әх яңхты веритд. Тәмхәтд щәта 215 пух па эви вәдтыйдман вәлдәт. Интернатэв 70 пух па эви вәдты щира дәщәтсы, ин төп 45 няврем щәта тәйлўв. 215 айдат әх эвәлт 177 хуят, щит 82 процент арат иса шуши мир нявремәт. Интернат хушитәм йисн Тәрумдор, Вўтвош эвәлт вәдты айәх, ар пеләкхәнтәт па хәшум пухәт муй эвет – юрнәт.

– Щи щирн нын хушана, алпа, нявремәт рәт ясңәта вәндтәдты?

– Мўң ашколаевн ар ханты пух па эви вәд. Щит пәта дыведрәт мир ясәна одаңмит класс эвәлт па 11-мит класс вәнты вәндтуман тәйдалўв. Айшәк нявремәт, вантә, лапәт мәр төп хәлум щос, кўтуп па вәншәк класс пухәт па эвет – кәт щос рәт ясңәла вәндтәдты. Щи тумпийн тәняд одн юрн па сәран мир ясңәта щосәт па тәйсўв, тәм пўш па щитәт нух вўсыйт. Вантә, тәм йисн нявремәт кәшлы рәт ясәңдал пәда вәлдәт па ән ләңхаләт щит вәндтәты. Мўң хушәва рәпитты хәннехуятәт округев география па история, шуши мирәт культура щирәта айдат әхлўв ямсыева вәндтәләт. Ма щиремән, щиты ки елды нявремәт вәндтәты, дыв айн-айн ищи па рәт мирдалясәна муй культура верәта сәмдалн талты питлйит.

– Татьяна Павловна, муй арат хәннехә нын ашкола-интернатән хуши араттелдн рәпитд?

– Мўң хушәва 80 хуят вәд па рәпитд. Дыв эвәлтәда Кәсум ашколаев етшуптум 50 хуят. Няврем вәндтәты па давәдты хәннехуятәт эвәлт 39 хуят тәйлўв. Дыв кўтәдн 17 хәннехә ищи тәм ашколаевн сыры олатн

вәндтыйдсәт. Юхи хәшум кәт ол мәр ма арсыр тәхет эвәлт няврем вәндтәты хуятәт тыв хушты питсум. Щиты тәмхәтд Омск вош эвәлт юхтум айдат хә рўщ ясәна па лите- ратурая пухәт па эвет вәндтәд, историк хә Са- мара вош эвәлт вәд па английской ясәң щирн мўң ашколаев сырыя етшуптум не рәпитты питәс. Ләңхалум лупты, хути мўң хушәва вәдты няврем вәндтәты хуятәт ар пеләк 30 ол вўш эвәлт төп 40 ола та вўншмасәт. Щит пәта дыв худыева ушәңәт-сащәңәт, әр па щом тәйләт па ашкола нявремлўв вәщкәта па тўңщирәна арсыр мосты верәта вәндтәләт.

– Муй щирн тәм юхи хәшум кәт ол мәр Кәсум ашкола нявремәт вәндтәты тәхет етшуптәсәт?

– Юхи хәшум кәт ол мәр мўң нявремлўв шеңк яма вәндтыйлсәт па щит пәта лапәт хәннехә кәща әхлўвн мевәд посәтн кәтлуптәсыйт. Кәт няврем сорни холумтсәңән, вет – щел вух! Щиты вәщкә- та мўң хушәва ашколайн айдат әхлўв вәндтәдтыт!

Владимир ЕНОВ

Хурәтн: Т.П. Чаги- на; Кәсум ашкола музей пурмәсәт; ашкола музей ияха әктум дыйт.



Молдан рэт ёх олаңан айт ёкәтл

Тәм ванән «То-рум Маа» тәхийн «Касум Най давадты ёх» немпи вандтупсы вәс. Щит Молдан йис рэт олаңан учёной, этнограф не Татьяна Александровна Молданова айт ёкәтс па хәншәс.

Молдан ёх Касум, Сәрханл мўвнән, Ваньщавәт, Кышик кәртнән хуши вәлдәт. Сәрханлпа Кышик мўва дыв мәнсәт, хән 1930-мит олаңн Касум мўвн дәлдь тывәс. Ваньщавәт кәртән Молдан ёх ищи йис вўш эвәлт вәлдәт, тәп худна яма уша ән павәтсы, худшә дыв шив юхәтсәт. Учёной ёх нәмәсләт, хути дыв ищи Касум мўв эвәлт шив питсәт.

Татьяна Молданова Касум мўвн вәлты Молдан ёх олаңан немасыя «генеалогической юх» верәс. Щәта хәншман вәл, муй ширн ши хәннехуятәт рәтәлўнтасләт. Муй пура вўш эвәлт тәм рәт олаңан уша йис па муй арат хуят тәмәщ опраш нем тәйләт, дўв иса уша версәлэ. Тәм рәт олаңан XIV-мит нәпәт вўш эвәлт хәншман вәл. Интәм Татьяна Александровна 500-кем хуят немәт хәншәс.

«Торум Маа» тәхийн верум вәйтәнтупсыя Югра мўв культура департамент эвәлт, Касум рәтләл, музетн рәпитты ёх па па мойң хуятәт юхтыйлсәт. Дыв Татьяна Александровна олаңан арсыр ям, хошум яснәт путәртсәт, хурәт



вантсәт, рәтләл олаңан нәмәдмәсәт. Ападнеңәл Ольга Александровна Кравченко ащел Александр Иванович Молданов олаңан путәртәс. Любовь Алексеевна Федоркив кәртән хуятләл олаңан ям яснәт лупәс. Технологический колледжан рәпитты не Ирина Максимовна Молданова ай пурайл олаңан па әңкел-ащел нәмәлмаслә. Надежда Анатольевна Багардаева (Молданова) әңкел пида юхтыйлсәңән, дын хотәң пурмәсәл вәндтасәңән па дыв семьяел олаңан путәртсәңән. Ши тумпи «Югра» телерадиокомпания хуши Молдан ёх олаңан верум кина вәндтасы.

Надежда ВАХ



ВЭЯТН ШИ ОЛАҢН

Т.А. Молданова Юильск кәртән сема питәс. 1968-мит одн Касумн әшкола етшуптәс па елды Ленинград вошн Увәс мир институтн вәндтыләс. Ши юпийн әшколайн физика па математика урокәт тўвман рәпитәс. 1989-мит одн дўв Томской университет аспирантура хуши вәндтыйлты питәс. 1994-мит одн Татьяна Александровна «Увәс хәнтәт хурамәт» диссертация етшуптәс. 1996-мит одн Ас-угорской институт фольклорной архив кәщәя павәтсы.



«Элаль» нѐмпи

*Вайт дор тыдӑшн Сӱмӑтвоша янхмемн
ма и верӑң ими пида вӑтаңа йисум, щит
Ольга Константиновна Филиппова. Лӱв ар
од мӑр «Элаль» немпи тӑхийн кӑчая вӑд.
Тӑмхӑтл дыв ӗмӑщ па мосты рӑпатайл
олӑңӑн нынана хӑншты дӑңхалум.*

Ар од юхды Ольга Константиновна иметиты «Хурам» немпи тӑхийн рӑпитӑс. Щи пурайн верӑң ими хоттел ӗхдал пида Саранпауль кӑртӑнвӑс. Щи давӑрт пурайн арсыр лӑмӑтсухӑт, пурмӑсӑт ӗнтты кеши сух, сӑк па па ӗнтӑсты утӑт Саранпауль кӑрта давӑрт тӑты вӑс. Вантӑ, янхты па мӑнты верӑт иса вевтама лӑщӑтман вӑсӑт. Тӑхдӑң хопн тӑп хӑскем кила тӑты рӑхӑс. Илӑтн вера вӑн налог вух ӑкмӑс, рӑпитты неӑӑта тыдӑщ вухисӑн сухуптӑсы. Щит пӑты Ольга Константиновна 12 ими пида нумса юхӑтсӑт дыв сӑттӑда «Элаль» немпи рӑпитты тӑхи пӑншты. Олӑңӑн дыв сӑк, сух ӗвӑлт увӑс мир ай пурмӑсӑт версӑт, ӗхӑтшӑк вухӑд мир ернасӑт ӗнтты питсӑт.

Сырыя шенк давӑрт вӑс, хӑткем од мӑр тӑп налог па тыдӑщ вух сухуптӑсӑт. Мосд ястӑты, йис верӑт яма вӑты имет тӑп ям нумӑсн рӑпитсӑт, лавӑдсӑт, хуты хӑнты ям пура ищи юхӑтл. Щи пу-

райн Марина Качанова, Аксинья па Мария Меровӑн дыведа вера нӗтсӑт, лӑдн йис ширн тӑнширӑна пурмӑсӑт ӗнтты. Щит пӑты айлтыева лӑщӑтум рӑпата ямайты питӑс.

Ӗнтум ернасӑт, верум пурмӑсӑт мира вера мӑстӑсӑт. Щит пӑты арсыр арӑң-якӑң хуятӑт, пурмӑс ӑкӑтты тӑхет «Элаль» немпи ӗнтум лӑмӑтсухӑт, пурмӑсӑт лӑтты питсӑт. Ӗхӑтшӑк округев хӑваттыин щитӑхи олӑңӑн вӑты питсы. Сыр-сыр ванлгупсӑта, тын ӗсты хӑрӑта, ӗмӑңхӑтлӑта дыв ипӑша вохсыйт.

Мет олӑң округевн мдухн кӑсты па ай пушкан ӗвӑлт ӗсӑдты кӑсупсы лӑщӑтты пурайн «Элаль» немпи тӑхийн рӑпитты хуятӑт Ӗмвоша ищи юхтыйдсӑт. Тӑта дыв юрн хот омӑссӑт, лӑдн арсыр мӱвӑт ӗвӑлт юхтум мойӑ хуятӑт ӗплӑң увӑс мир дегутӑт атлесӑт, пурмӑсӑт ат вантсӑт па лӑтсӑт, кӑмн вӑлды ӗхӑлдн ат хӑтӑгдысӑт. Щи пура



тăхи 15 ода йис

вўш эвăлт кашăң пурайн «Элаль» немпи тăхийн рəпитты ёх вулаң кăсупсəта вохдыйт.

Хəт од юхды Оль-га Константинов-на хоттел ёхдал пида Сўмăтвоша каслăс. Тăта нумсăң ими ищиты йис верăт яма вəты хуятăт пида рəпата дэщăтăс. Тăмхăтл «Элаль» немпи тăхийн 30-кем верăң ёх рəпитлăт. Сўмăтвошн вəдмемн ма ши тăхия лўңтыйлсум. Муйсăр тəп пурмăс тăта антəм: тун-ты, сăк, сух, пун, вой, хўд сух, юх па па арсыр хурамăт вантты па дəтты рăхл. Мосл ястăты, ху-ты вь антə тəп Сўмăтвошн па районăн вəдты хуятăт верум пурмăсăт тəдăт – Ёмвош район, Сверд-ловской область, Ямал мўв эвăлт ищи сыр-сыр пурмăсăт китлийт.

Ис верăт яма вəты хуятăт тумпийн Ольга Филиппова арсыр тăхет кəщайт пида ияха рəпитты пăты кăшащты непека́тн ёш пос пунăс. Лəдн вəндтăты хотăтн, рəпатăйт кăншты тăхетн, Сўмăтвош ашкола-интернатн па «Альянс» немпи социальной хотн вəдты ёх ищи арсыр пурмăсăт перман вухăт еша ат холумтсăт. Ван-тэ, ияха рəпитты пурайн кашăң верăң хуят шуши мир культураев елды тəд.

Ольга Константи-новна ши олаңăн щиты лупăс: «Мўң кашăң верăң хуят пида рəпитты лăңхалўв. Арсыр мўвтел, Россия мўв, округев хўваттыйн вандтупсəта яңхмемн яма вантсум, муй ширн па мўвăтн вəдты мир пурмăсăт верлăт па ёнтлăт. Юхи юхăтмемн верăң хуята хурăт вандтăсум, лəдн дыв ищи вантсăт па нум-са ат пунсăт, хутыса дыв верты хошлăт. Вантэ, кашăң ханнехə и пурмăс

и ширн хəн верлăт».

Сыр-сырайпурмăсăт стумпийн «Элаль» тăхийн рəпитты ёх юрн хотăт, увăс мир дəмăтсухăт, вўды сух эвăлт пуркайт па па мос-ты хурамăт верлăт. Кашăң вəн емăңхăтда дыв немасыя пурмăсăт лэщăтлăт. «НайАңки» фе-стиваля вəн вошăт эвăлт юхтум кина верты ёха па артистăта хўд сух эвăлт ёнтум хирăт əмăщ дəтты. Биатлон емăңхăтда сыр-сыр ай пурмăсăт мўң мўвев па ёрăщты вер олаңăн лэщăтлăт. «То-вары земли югорской» вандтупсийн «Элаль» немпи тăхи «Высший то-вар Югры – 2007» немн масы.

Ипўш Казахстан мўв кəщə хə Нурсултан Назарбаев лăңхăс, лəдн верăң хуятăт дыв пăтəда увăс мўв дəмăтсухăт ат ёнтсăт. Ши тумпийн Ере-мей Айпин ханшум «Бо-жья Матерь в кровавых снегах» немпи кини-ка хўват лэщăтум кина «Сага о хантах» артистăт пăта юрн хотăт па арсыр дəмăтсухăт ищи «Элаль» тăхийн рəпитты хуятăт ёнтсăт.

Ар од мăр Ольга Фи-липпова сăмăдн лăңхăс нявремăт, мойңа юхтум ханнехуятăт пăты рўтыщăты тăхи пўншты. Щиты грант вух унтасн кимит од лапăткем верста вўшн Сўмăтвош эвăлт Лэв юхан хонаңн «Сор-ни сэй» немпи этногра-фическо-туристической рўтыщăты тăхи рəпитăл.

Тăмодн «Элаль» немпи тăхи 15 ода йис. Емăңхăтл тăм тăхийн рəпитты ёх, нявремăт па ар мойңхуят «Сорни сэй» рўтыщăты тăхийн постăсăт. Хăтл мăр хурамăң кăрăщ вəнт тăхийн Лэв юхан пўңăдн а́ктăшум мир юнтсăт, арисăт, яксăт, кўтəдн ёрăщсăт.



Сўмăтвош 420 од постăты пурайн Ольга Филиппова «За сохранение тради-ций коренных народов Югры» немпи мевд посн мойлăсы.

Ольга Константино-ва вəн рəпата верăс, ар ёр пунăс, лəдн шуши мир йис верăт елды ат вəсăт. Хўв йис, хўв нəпăт

лўведа лăңхалўв, уяңа, пишăңа елды вəдты па ищиты мўң культураев елды амтăңа тəты! Вантэ, вухалъясăң эвăлт «Элаль» ясăң тулмащтăты ки, щит питл «Елды». Щиты ши елды «Элаль» тăхи ат енмăд па хўв мăр ат рəпитăл.

Ирина САМСОНОВА

Россия мўв финно-угрҖт V-мит съезд

ЛьпҖт хойты тылҖшн Мордовия мўв Са-ранск вошн «Финно-угорские народы России и сохранение стабильности многонационального Российского государства» немпи Россия мўв финно-угрҖт V-мит съезд мҖнҖс. Шив Россия мўв 43 тҖхи эвҖлт 214 делегат па вантты ёх юхтылдсҖт.

ТҖм ол вҖйт дор тылҖшн «Укрепление единства российской нации и этнокультурное развитие народов России» поступсы вўсы, щҖта хҖншман вҖл, муй щирн арсыр мирҖт культура олҖнҖн вҖлты поступсҖт елды тҖты.

Мирхот пурайн нҖл секцияйн финно-угрҖт нўшайдал олҖнҖн путҖртсҖт: кашҖн одн финно-угорской мир шимда йил; рҖт ясҖҖт олҖнҖн поступсҖт рҖпитлҖт, тҖп шимд хуят щи ясҖҖтн путҖртҖл; айлат ёх рҖт ясҖҖ, шуши мир культура юремҖлҖт.

ХҖнты мир эвҖлт йис вҖлупсы дерамтты не **Татьяна Волдина** мўң округевн вҖлты нўшайт олҖнҖн ай тҖс.

Ма, **Зоя Рябчикова**, съезд пурайн ай тҖсум, муй щирн 2005-мит ол вўш эвҖлт рҖпитсум, ин ма юканема айлат не Анна Рандома пи-рисы. Щи тумпийн ма «Язык. Наука. Образование» секцияйн нўшайлўв олҖнҖн путҖр лўнҖтсум. Юхи хҖшум олҖтн ЮГУ хуши хҖнты па вухаљ

ясҖҖнҖна вҖндтҖты ёх Җн вҖндтҖлҖйт, немасыя щи кафедралҖп тҖхҖрсы, учҖ-ныйт рҖпатайлы хҖшсҖт. Ин округевн рҖтҖсҖҖнҖтҖп 15 учитель вҖндтҖл. Йилуп поступсы хўват дыведа рҖхл ипўш хҖлум ол мҖр йилпа вҖндтҖйлды. ТҖм ванҖн хҖнтҖт вҖн мирхотн йилуп алфавит олҖнҖн путҖртсҖт.

Технолого-педагогической колледжҖн айлат ёх хҖнты ясҖҖнҖн вҖндтҖты не **Ирина Молдано-ва** лупҖс, дҖлн финно-угорской колледжҖт дыв кўтҖлн дҖхсҖҖа ат вҖсҖт.

Филологической нау-кайт доктор ими **Валентина Соловар** путҖртҖс, хуты вҖндтҖты киникайт лавҖртшҖк есҖлты йис. Ин рҖт ясҖҖт олҖнҖн йилуп поступсы хўват вҖндтҖты верҖт тҖты министерства кҖщайт есҖлты киникайт-та гриф пос хҖншты Җн питлҖт, щирн вҖндтҖты непекаҖт есҖлты верн нўша тывҖс. Валентина Ни-колаевнайн ястум нўша ищи Резолюция вулаң непека нух хҖншсы.

Щи тумпийн мўң округев эвҖлт кҖт вҖн вер



олҖнҖн путҖртсўв, дҖлн финно-угрҖт ассоциация ёх щит тҖты пҖты вухн ат нҖтсҖт. Щит округев хўватыйн хҖтл мҖр ай нявремҖт тҖйтты хотҖтн па юлн рҖт ясҖҖ тҖты вер лҖщҖтты па хҖнты ясҖҖ вҖндтҖты лҖңхҖты ёх пҖты лўңпурайн немасыя хҖрҖт пўникты.

ЩҖлта Резолюция непека арсыр верҖт олҖнҖн нух хҖншсы. Щи юпийн тҖм вулаң непека финно-угрҖт вҖлты мўвҖта вҖн кҖщайта китды, щи тумпийн региональной развития министерствая па Россия мўвев правитель-ства ёха.

ТҖм мирхотн Россия мўв финно-угрҖт ассоциация кҖщая йилпа Пётр Тултаев пи-рисы. Мосл ястҖты, хуты лўв ипулаң Саранск вош кҖщая вҖл.

Юхи хҖшум хҖтлҖтн «Финно-угорский тран-зит: родственные встре-чи» немпи етнхот па И.М. Якушев немпи государ-ственной театр хуша «АлҖна Арзамасская» немпи балет вантсўв.

Йилуп 2015-мит одн мирхот лҖщҖтды па уша верты питды, муй щирн резолюция непекаҖн хҖншум верҖт тҖдҖйт.

ТҖк кҖртҖн нявремҖт вҖндтҖты ими **Галина Курганова** ищи путҖр тҖс, муй щирн съезда яңхҖс:

– Ма вельщи щимҖщ вҖн мирхота вантты хуят иты яңхсум па «Куль-тура. Литература. Со-временные информа-ционные технологии» секцияйн рҖпитсум. Ар хуят щҖта путҖртсҖт, муй дыв верлҖт ясҖҖт лавҖлты щира. МҖнҖма ҖмҖщ вҖс ижора мир эвҖлт хуятҖт хҖлҖнтты, щи ай мир рҖт ясҖҖ лавҖлты пҖты ар ям ут верлҖт. Ар хуят лҖңхҖсҖт, дҖлн Россия Президент Владимир Пу-тин муй иса верҖс, дҖлн арсыр ясҖҖт лавҖлман ат тҖйсҖйт.

Щи тумпийн путҖрт-сы, ин культура тҖты рҖпатнекаҖт ищи Җн лҖщҖтлҖйт. Ин мўң «Ас нҖ» немпи ТҖк кҖртҖң ариты-якты тҖхи ёх муй щирн веритлўв, щиты рҖпитлўв. Сырыя куль-тура рҖпатнека Светлана Броворенко мўңева така нҖтҖс, шадь, хуты лўв ҖнтҖма йис.

ХҖнты ясҖҖнҖ тулмаштҖс па Г. Курганова пидҖ путҖртҖс Людмила СПИРЯКОВА

Зоя РЯБЧИКОВА



Яңхты верев непека хӑншсэв

Энтель юхан хонӑн хӑнты ай кӑртӑн 19 ол мӑр именӑн-икенӑн Олег па Татьяна Востокиннӑн ияха вӑлдӑн. Щит Сӑрханд район Нижнесортимской кӑрт пӑнӑн. Дын ай хопн яңхман йис щирн вой-хӑд велпӑсӑлӑн. Икел велпӑса яңхал, имел юдн пут кавӑртӑд, нянь верд. Сӑсн ияха воньшумутӑт ӑкӑтӑн. Оса пурӑн Олег юх нӑхӑртман арсыр хурамӑн пурмӑсӑт верд, имел хурамӑн хӑншӑн ернӑсӑт ӗнтӑд. Дын шеңк мойн ӗх пелы сӑмӑнӑн. Вӑйт дор тыдӑщ 27-30-митн Лянтор вошӑн хӑнты музей рӑпатнекӑт тӑм хӑнты именӑн-икенӑн хуца мойн яңхсӑт. Ин ма щи олӑн хӑншлум.

ВОСТОКИННӐН ТӐД КӐРТ

Нижнесортимской кӑрт па Ай-Пимской немпи питы вуй вӑты тӑхи ӗш кӑт эвӑлт кӑт верста вӑшн Энтель-юх хонӑн дын тӑд кӑртӑн омӑсл. Щит нӑрум мӑв, щӑта хот, лупас, рат хӑр па нянь кӑр вӑлдӑт. Вӑлты хот дын 2010-мит одн омӑссӑн. Хотн вӑнши павӑрт кӑтн, хот даңӑлн тӑңкӑн пунсы, лӑдн дыпийн хошум ат вӑс.

Хот хӑнты щирн верман вӑд: увӑс пелкӑн, емӑн тӑхийн мӑд сӑң хот питӑр вӑд, морт мӑв пелкӑн – хот ов.

Хот дыпийн ищи ӗмӑщ: ям пелӑкӑн карты кӑр, пӑва пелӑкӑн ан-сӑн ӑшкап, телевизор па па мосты утӑт. Ишнет вӑнӑт, щирн юдн нуви. Ювӑлӑн хот питӑрн улты нуры вӑд.

Кашӑн етн Олег нуви тӑт мӑты ай мотор вӑщитӑд, щит тӑт йиңк эвӑлт рӑпитӑд.

Вӑлты хот пӑнӑлн лупас, кӑрӑн ампар омӑслӑн, щӑта дын летутӑт, лӑмӑтсухӑт лавӑдман тӑйдӑн.

ВОСТОКИННӐН ВӐЛУПСЫ ОЛӑН

Олег па Татьяна вӑлуп-сан мӑр лавӑрт пура вантсӑн: ӑнки-ащи тӑкды интернат хуца вӑсӑн, рӑтдӑн вӑтшӑсӑн. Тӑп ӗхпелы сӑмӑнӑн хӑшсӑн, рӑпатайӑн, хӑнты вӑлупсы па культа яма тӑйдӑн.



Олег Маркович Востокин ай кӑр тыдӑщ 16-митн 1974-мит одн Пим кӑртӑн сема питмӑд. Олег-пухитӑп и ол вӑс, хӑн ащел ӑнтӑма йис, ол юпийн ӑңкел йиңка питӑс.

Вӑна ювмӑдн лӑвела щи олӑн путӑртсы. 1976-мит ол тӑд товийн ӑңкел Пим кӑрт эвӑлт вут кӑрта кӑт тӑлуп луват Олег ай пухиел пидӑ мӑнӑс, лӑв онтупӑн улӑс, ай кӑр вӑс, щирн ими роман йиңка питӑс. Ӑңкел имухты онтуп еңк хӑват ел пӑхӑлмӑслӑ, Олег-пухитӑп холдӑты питӑс, ванӑн шӑшты ӗх холдуп хӑлсӑд па пухитӑп шимада сӑл. Вет ол вӑнты ӑңкел аңшӑщел хуца енмӑс, щӑлта вӑн упел хуца, елды интернатӑн вӑс. Лӑв кӑт йи па кӑт упи тӑйс.

Татьяна Ивановна

Кантеровӑт рӑт эвӑлт вӑд, вӑн кӑр тыдӑщ 12-митн 1977-мит одн Дарко-Горшково кӑртӑн сема питмӑд. Ӑңкел Пим юхан, ащел – Касум юхан эвӑлт вӑсӑн. Хӑнтӑт лупӑт, хути тӑм кӑт юхан хонӑн вӑлты хӑнтӑта ӑн рӑхл ияха именӑ-икенӑ мӑнты, и хуят ӑнтӑма йил. Тӑм семьян щиты щи тывӑс. Татьяна сема питум пура вӑш эвӑлт ешавӑд ӑщел ӑнтӑма йис. Ӑңкел кимит пӑш икия мӑнӑс, нял няврем сема питӑс. Татьяна ищи интернатӑн енмӑс, 9 класс етшуптумӑд юпийн имухты 1994-мит одн икия мӑнӑс. Тӑп Олег-икел пидӑ няврем ӑн тӑйдӑн, нӑмӑслӑн – шӑкашты нявремӑт вӑлты хот эвӑлт эви муй пух вӑты.

ВОСТОКИННӐН ЛӐҢ КӐРТ

Кимит хӑтлӑн мӑн Востокиннӑн лӑң кӑрта мӑнсӑв. Нӑрум мӑв хӑват «Буранӑн» хӑс минута юпийн Олег вӑн йилд неп хуца еша вӑсӑв, лӑв 2002-мит одн йиңка питӑс. Кимит тӑхийн Татьяна Василий щатшӑщел неп вӑд, щӑта нӑмӑдман ищи еша лодьсӑв. Хӑлмит тӑхийн Емӑн дор, хӑнтӑт лупӑт, тӑм дор мухты мӑнты ӗха щел вух пунты мосл, лӑдн хӑннехӑ вӑлупсы елды яма ат мӑнӑс. Мӑн музей рӑпатнеклӑв щит версӑт. Востокиннӑн лупӑн, тӑм Емӑн дорн хӑд велпӑсӑлӑты, певӑлты, йиңкянышты ӑн рӑхл. Йис путӑр вӑд, хути и хоттел ӗх тӑм Емӑн дор пӑнӑлн хот омӑссӑт, айдтыева худыева сурма питсӑт, дыв неплад ищи ара ӗхӑтсыйт.

Лӑң кӑрта юхӑтсӑв, щит нӑрум мӑвн омӑсл, кӑрт мухалада кӑт мӑлӑнӑн вӑлдӑн. Лӑң хот йилуп щирн 2012-мит одн омӑссы. Камн ищи нянь кӑр, мӑв идпийн потты щира летут тӑйты хушӑп, лупас юкана хоты вӑд па рат хӑр.

Ювӑлӑн Олег Маркович мӑн пӑтӑва онтуп верӑс па мойлӑс. Мӑнева шеңкмӑстӑс Востокиннӑн хуца вӑлты па арсыр ӗмӑщ утӑт хура вӑты, дын мӑнева ар айкел тӑсӑт, щитӑт непека хӑншӑлӑв.

Иса видеокамерӑя нух хӑншум утӑт елды тӑса непека хӑншӑлӑв. Нумӑс тӑйлӑв Лянтор вошӑн нявремӑта хӑнты мир вӑлупсы олӑн путӑртты па щитӑт алды.

Татьяна ЛОЗЯМОВА,
Лянтор вош этнографической музей вӑндрат научной сотрудин

Хӑнты ясӑна
тулмӑштӑс Людмила
СПИРЯКОВА

Африкайн войт вэньдьты

Вэйт дор тыдэщн «Мит уш» нѐмуп рўтьщэты кэрт олэньн хэньшум, щн ут Кондинской вош пўңадн вэнтэнь вэд. Рўтьщэты тухэдпи нявремэнт щэта шуши мир вэлупсы уша верлэйт, вухаль ясэнь вэнтэйдэйт па мўң мирлўв пурмэсэнт верты вэнтэйдэйт. Шив яньхмемн эвэнт па пухэнт эвэнт уша версум, муй щирн дыв рўтьщэйдэйт па муйсэр хуята йиты дэньхалэйт, хэнь вэна йилэйт.



Настя Нялина, 9 ол (Болчары):
– Олэнь пўш «Мит ушн» рўтьщэдум, мэньма тэтя эмэщ юнтты, ёнтэсты па хэньшты юхн, одюпн хурэнт верты. Щит тумпи пурмэсэнт верты вэнтэйдэйт па итэх вухаль ясэньт уша павэнтсум. Па пўш ищи тыв юхтэйдэйт нумэс тэйдум.



Соня Симушкина, 11 ол (Междуреченск):
– Кимит пўш тыв йисум. Мўң вошевьн щикўш ашколайн рўтьщэты тэхи вэд, тэтя мэньма мет эмэщ вэдты. «Мит уш» хущи камн пионерболн па арсыр юнтутэнт юнтлўв, хот дыпийн вертут верлўв. Сыры ань хошсум, интум тэтя сэк пурмэс верты пэнтсум. Хэнь вэна енумлум, щн пурэйн тохтўра пэнтты вэнь непек холумтлум па рэнт мўвэма рэпэнтты юхэнтлум.



Андрей Нялин, 8 ол (Болчары):
– Тэтя шеңк вэдты ям, па пурэйн йилпа тыв юхтэйдэйт дэньхалум. Хэнтлэнт олэпэнь хурэнт хэньшлум, щэйдэ бадминтонэнь, ента пэталэйн юнтлум па пурмэсэнт верты вэнтэйдэйт. Вэна йитемн хор войт вэлупсы вэньдьты хэя йиты дэньхалум. Африкайн щитэнт вэньдьты пэнтлум, щимэщ ёх олэньн ма кинэйт вантсум.



Вадим Данилюк, 11 ол (Тюмень):
– Кондинской хущи щэщем, аңкаңкем па аңщэщем вэдэйт, щит пэты тэм воша ар пўш юхтэйдэйт. «Мит уша» вельщи йисум, Тюмень киньщи мэньма тэтя вэдты мет ям. Вантэ, вэнтэнь далты рўв сыстам, щэйдэ арсыр тухлэнь войт пэрляйдэйт. Тюменэнь сўри ань шивалэйдэнт, тэм дорн дывед кашэнь хэнтлэ вантлум. Рўтьщэты шеңк ям, камн юнтлум,

па арсыр пурмэсэнт верты вэнтэйдэйт. Вухаль ясэньт уша верты ищи эмэщ вэд, «пэща олэнь» па «пумащи-па» ясэньт нумса пунсэйдэйт. Тэм хэнтлэ уша павэнтсўв, муй щирн хўдэнт па ай войт вухаль щирн алыщэйдэйт. Вэна йитемн ащем итэ инженерно-строительной тэхиэ вэнтэйдэйт мэнтлум, архитекторэ йиты дэньхалум, дэнт ям хотэнт па ёшэнт верты.



Никита Мокин, 9 ол (Кондинской):

– Сыры тэтя рўтьщэйдэйт, йилпа тыв юхэнтты ищи кашем вэд. Вантэ, па нявремэнт пэля дэхсэня йисум, тэтя немхуэнт ань дэвэнтлэ пэ нэл ань вэд. Сэмема рэхлэ ар щирн юнтты, хэньшты юхн щўрэнтты па ёнтэсты. Тэтя уша версем, муй вўрн бадминтонэнь юнтты мосл. Хўд вэдпэслэты па эмэщ, ипўш яньхсўв, тэп немэнт ань катэйдэйт. Ма милиционерэ йиты дэньхалум, дэнт вошевьн хэрахэщэнт аньтэм вэс. Интум Кондинской хущи атум ёх вэдэйт, дыв сўртэ яньщэйдэйт па мир эвэнтлэ вух вохлэйт.



Саша Ильяшенко, 9 ол (Кондинской):

дәңхал

– Хәдмит пұш тата рұтыщәлүм, әшкола киньши «Мит уш» хуши мет ям. Тәм тәхийн вәдтем мәр йилуп яснәт уша павәтсум, арсыр пурмәсәт верлүм па мурта юнтлүм. Мулхатл шуши мир ширн юнтсүв па кәссүв, ши утн «Пирум» немуп командаев нух питәс. Тәм ванән хұд велты яңхсүв. Юдн ашәм пида иши ведпәсләлүм, щит пәты хұд няхәсты, эвәтты па пұт кавәртты хошлүм. Милиционерә йиты нумәс тайлүм, Санкт-Петербурга вәндтйылды яңхлүм па әхат рәпитты юхи юхәтлүм.



Данил Громчевский, 9 ол (Кондинской):

– Кәт пұш «Мит уш» хуши рұтыщәсум, мәнема тата мет әмәш хұд ведпәсләты па вертут верты. Нәй суха хурамәт әнтты вәндсум, щәлта юх пурмәсәт верлүм. Мәрәмәты морум иса әнтәм, баскетболн па волейболн юнтлүв, щәлта әхәд шәпи навәрлүв. Юдн әхәд тайлүм па нәд есәлты хошлүм. Ешайн шуши мир кәсупсы питл, щәта ма иши нәд есәлты питлүм. Щәлта тата йилуп дәхсәт вәйтсум па вухәд ясәң вәндтаты питсум, ин «пумашипа», «пәща олән», «сорт» па па ясәңт вәлүм.

Сәмеңн дәңхалүм хот омәсты хәя йиты. Ма дәлн кев хотат омәсты питсум, щимәш утәт каш ванлтәты хушапн вантсум. Кондинской вошн худна кев хот әнтәм, тәп юх хотәт омәсләт. Ши хәя йилүм ки, Кондинской хуши рәтлама па ләхәслама хурамәң хот омәслүм. Вошн щитәт омәсты ән дәңхалүм, вантә, тата ар мұв вәд па мұң мұвев хурамәң.

**Реональда
СУРЕЙСКАЯ**

Йилпа юхәтты 2014-мит одн Югра мұвевн мет оләңмит кәсупсәт емәңхәтл Уральской федеральной округән шәкәшты нявремәт пәта дәшәтлдыйт. Ши оләңән ай тәхет потты тыдәш 18-мит хәтәдн Ёмвош округев кәща не Наталья Комарова дәңкәр әхәд пидн мирхот верәс.

Шәкәшты нявремәт пәта кәсупсәт

Ияха әктәшүм кәшәйт пүтәртсәт, хуты ЮНЕСКО вұюм поступсәт ширн шәкашты хәшүм пухәт па әвет тайты, мәшәт ямәлты па муй ширн ши айлат әх пида елды рәпитты. «Мұнева тәмхәтл кашәң щимәш няврем, мәта ут әңки-аши ән тайл, мосл тўңширәңа арсыр кәсупсәт ширәта вәндтәты, дәлн емәңхәтла питты пурайн дыв яма па тәса дыв кўтәдн ат кәссәт па амтәтлдясәт», – щиты округев кәща не лупәс.

Юхи хәшүм ясәдн Наталья Комарова пүтәртәс, муй ширн ши кәсупсәт емәңхәтл верты хән-нехуятәта кашәң ай муй вәншәк вер дәшәтты па ямсыева арталәты мосл, хуты шәкашты айлат әх әшколаитн вәндтәлдыйт па няврем дәвәдты хотәтн тайлдыйт.

**Округев губернатор
пресс-служба айкеләт ширн
хәнты ясәңа тулмәштәс
Владимир ЕНОВ**

Па ол киньши мет яма рұтыщәсәт

Муй арат хуят па хута тәм лўңән рұтыщәсәт, ши оләңән ай тәхет потты тыдәшн социальной развигие тәхийн рәпитты не Елена Немчинова, образование хотн кәща дәңкәр хәя вәдты Евгений Тимкин па физической культура департамент эвәдт вәлүм Игорь Крутько айкеләт әкәтты мира ай павәтсәт.

Е. Немчинова лупәс, тәм пұш 1 миллиард 800 миллион арат шойт вух федеральной па округев кәсна эвәлт рұтыщупсыя тәруптәсы. Щит унтасн мұвев хұваттйын 486 тәхийн хәтъянкем шураәс әвет па пухәт рұтыщәсәт. Щит тухәдпи лапәтхушъяңхуят нұм мұвн, Азовской па Питы шорәсн, щәлта Болгарияйн па Грецияйн вәсәт. 19-кем шураәс няврем па айлат әх мәшәт эвәлт тўнматты хотәта яңхсәт. «Нефтяник Самотлора» немуп хотн сахарной диабет мәш тайты ай әх рұтыщәсәт. Елена Немчинова ясәң ширн, дыв оләң пұш ихура-суп мәш тайты хуятәта рұтыщупсы версәт. Па пұш пасыр мәшәң әвет, пухәт санаторияйт хуши тәмиты яха әкәтләт, дәлн рұтыщәтәл мәр дыв ат лекщитйылдәт. Елды лўв ай павтәс, неш па оләт иты Кондинской, Сұмәтвош, Нуви сәңхум, Ёмвош районәтн па Урай хуши шуши мир нявремәт пәты иши рұтыщәты тәхет рәпитсәт.

Евгений Тимкин образование департамент дәшәтүм рұтыщупсәт оләңән пүтәртәс. Лўң мәр 32 шураәс эви, пух лапәтсоткем дворовой



Интернет эвәлт вұюм хур

па әшколайт хуши вәдты тәхетн рұтыщәсәт. Па мұвәтн па Болгарияйн рұтыщәсәт ши хуятәт, хуйтат арсыр кәсупсәтн нух питсәт. Тәм арат няврем пида хәткем шураәс учителят па хәтсот мултас айлат әх рәпитсәт.

Игорь Крутько спорта вұянтүм ай әх рұтыщупсы оләңән ай павтәс, щитәт пәты округевн хәлүмсот мултас тәхи вәд, хута дыв рұтыщәсәт па мет әрәңа, апрәңа йиты вәндтйылдәт. Тәлаңтедн 85-кем шураәс әвет, пухәт лўңән ши тәхета яңхсәт, нядсот мултас хуят Краснодарской мұвн вәсәт. Тәм хә лупәс, тәми киньши кашәң ол мет ар няврем спортивной ширн рұтыщәты дәңхаләт, тәп худыева дывед вұты ән тывәд.

Реональда ОЛЬЗИНА

Тохтүрәт шар талты вер вуцкаты нётты питлät

*Ас потты тыдäщ оләңмит хätл вүш
эвält округев лекшитты тäхетн хоңхса
талты вер хайты щир пätы йилуп хот
йитät пүншлййт.*

Ёмвош кәшилды-мәшды вәдты щира рәпитты тәхи кәщә хә Василий Костин яснät щирн, щихот йитät немасыя лэщätлййт, ләдн хоңхса талты хәннехуятäта пälтäп вер вуцкаты кәши мир лекшитты ёх ат нётсät.

Тәм олоднитум юпийн Югра мўвн вәдты мир диспансеризация щирн нух вантман уша йис, хуты ар хуят шар талты вертәйлät. Щит пätы мир ямälты ёх юхтум хуятät пидә яма путärtсät, хуты щи эвält «Рак» немуп пälтäп мәш тывäl. И ол мәр хоңхса эвält

хәтсоткем хуят әнтәма йил. Щит шеңк атум вер.

Тәм йисн Россия мўв хўваттыйн вән хуятät эвält 43,9 миллион хәннехә шар талты вер тәйл. Мосл ястätы, дыв эвältәдә 18-мит ол луват вәнты әнт ювум 7,3 миллион хәннехә.

Шарталты хәннехуятät шеңк атум па лавärt мәшäта хойлät па пудяң рәтлäl ищи кәшäңа верлät.

**Ханты ясаңа
тулмащтäs
Ирина
ПОСЛОВСКАЯ**

Ай тäхет потты тыдäщ 15-20-митн Ёмвошн йиңкән мячикән юнтты оләңмит кәсупсы (рүщ щирн «водное поло») мәнäs. Тыв Кириши вош эвält «КИНЕФ-Сургутнефтегаз», Москва хон вош эвält «СКИФ» ЦСП «Измайлово», Нижний Новгород вош эвält «Олимп», Кириши вошäң «Кинеф-2» па Ёмвошäң «Югра» тäхет эвält кäсты хуятät юхätсät.

Ёмвошн водной поло кәсупсы мәнäs

Мосл лупты, хуты «Югра» командин эвет вәндтäl заслуженной мастер, чемпион не Татьяна Петрова. Вейтантупсы пурайн лүв ястäs, хуты тәм кәсупсыя эвет яма ләщätыйлсät.

Тәм мәнты кәсупсыя мет вән судьяя олимпийской чемпион Александр Кабанов пирисы.

Кәсупсы юпийн уша версүв, хуты мет яма «КИНЕФ» па «СКИФ» эвет юнтсät, мяч хәт пүш пәшас ова хойляс, мўң «Югра» немпи командаев тәп няд пүш, «Олимп» па «Кинеф-2»

эвет тәп кät пүш. «Югра» тәхи кәщә не Т. Петрова щиты лупäs: «Мўң командаев тәп лыпät хойты тыдäщ юхи хәшум хätлätн тывäs. «СКИФ» па «КИНЕФ» тәхенән эвет хўвн ияха юнтлät, дыв сырышäk юнтты питсät. Елды мўң ищи тәса лэщätыйлдүв па, мосäң, нух питлдүв».

Елды ай тäхет потты тыдäщ 28-мит хätл вүш эвält Ас потты тыдäщ 3-мит хätл вәнты тәм кәсупсы Кириши вошн мәнл.

**Людмила
СПИРЯКОВА**

Саккарäң мәш оләңән

Тәм ванән мир лекшитты па ямälты верät тәты округев департамент тәхийн айкелät кәншты па хәншты ёх äктащийлсät. Вейтантупсыйн «сахарный диабет» немпи мәш оләңән путär мәнäs. Щит щимäщ кәши-мәш, хән хәннехә кäдйин вера ар саккар äкумäl.

Тәм йисн мўв хўваттыйн «сахарный диабет» мәш – щит мет вән па лавärt сурт. Кашäң ол ар хуят тәмäщ мәша хойлät. Тәмхätл Югра мўвевн саккарäң мәшн 45 щурäs мултас хуят мәшитл. Иса мўвätн вәдты мир эвält щи пälтäп мәшн 366 миллион хәннехә кәшитл. Тәм тәхийн рәпитты ёх луплät, хуты 2030-мит оләтн щи мәшн 522 миллион хуят мәшитты веритл. Вантэ, ар пелак ёх ән па вөлät, хуты дыв щи кәши тәйлät. Диабет – щит хәнятум саккарäң мәш.

Лүңән округев кәщә

ими Наталья Комарова рәпата щирн Дания мўва яңхäs. Щäта лүв «Диамобиль» немпи вән машина оләңән уша павтäs. Щи машинан «сахарный диабет» немпи мәш уша верты пätы сыр-сыр шуңкät лэщätман вөлät. Щит пätы «диамобиль» хўв тәхийн вәдты ай кәртät хўват яңхты щир тәйл, ләдн хәннехә вүр яма нух вантты. Щи пурайн, хән хәннехә «сахарный диабет» мәш тәйл, лүведа эндокринолог тохтүр щи мәш оләңән айкел төл па путärtäl, хуты елды лекшитыйлды мосл.



Интернет эвält вүжумхур

Губернатор имия щи вер шеңк мәстäs па лүв ләңхäs, ләдн щимäщ «диамобиль» немпи машина Югра мўва ищи ат юхтäs. Щит пätы васы мәнты тыдäщн саккарäң мәш оләңән уша павätты машина няд хätл мәр Ёмвош, Нижневартоск, Сәрханл вошätн па Солнечной кәртән тәрүм пätы рәпитäs. Щихätлätн 1600-кем хәннехә кäды нух вантсы. Дыв күтелн 87

хуят хущи щи мәш ведьщи шивалäсы па путärtсы, муй щирн щи кәши лекшитты мосл. Интәм «диамобиль» немпи машина Тольятти воша мәнäs.

Кашäң хәннехә ушäңа әт вөл, әт нәмäсл, муйсär кәши-мәш эвält лүведа лавлäсты мосл, щит пätы кашäң хәт тыдäщ мәр пәльница яңхты па кäды мätы мосл, тäта немälты едем әнтәм.

Ирина САМСОНОВА

Одьпăң хурăт хăншты вĕндтыйдсăт

«Человек рисующий» – тăмăш немуп вĕндтупсы ай тăхет потты тыдăшн Ёмвошн мăнăс. Округев кăртăт па вошăт эвăлт ветхущяң хăнты па вухадь щив юхтыйдсăт. Итэх хăйт па неңăт хăнты хурăт хăншты хуя-та йиты тăхет етшуптăсăт па интум щи вера нявремăт вĕндтăдăт, па ёх дыв сăттѣда щи вер верты вĕндсăт. Кăт хăтл мър дывел мет яма хурăт хăншты исторической наукайт кандидат Леонид Лар вĕндтăс. Щи юрн хă хурăт хăншты хуя вѣд, лѣв Тѣпăл вошн педагогической академияйн айдат ёх щи вера вĕндтăл.

Одăн хăтл Владислав Белых (Нуви сăңхум) мирхотăң ёха «Художники Севера в контексте мирового искусства» путър путăртăс, хута нѣм мѣв художникăт вѣлупсы тухăдпи Артем, Юрий, Анатолий Гришкинăт па дыв хуралд одăнăн ай павтăс. Анна Лебедева (Барнаул, искусствование кандидат) «Изобразительное искусство обских угров. Вторая половина XIX-начало XXI века» вер одăнăн путăртăс. Лѣв ясăд ширн, интум 34 хурăт хăншты ёх немăт непека нух хăншыйт. Щитăт мир эвăлт итэх хуятăт хѣвн муй тăм ванăн ѡнтѣма йисăт. Интум нумăс вѣд щи ёх вѣлупсы па дыв картинайдал одăнăн

ямсыева уша павăтты, лѣдн дыв хуралд хурăн непекаѣн сăдты, щăлта вандтупсѣт верăнтты па киникайт хăншты.

Вĕндтупсы етшум юпийн ента пăсан вѣс, хута путър мăнăс, шуши ёха елды тăмаш мирхотăт мосдăт муй ѡнтѣ? Атѣлт хăнтѣт па вухадьт ѡктыйдты муй вѣтща нѣм мѣв художникăт пида? Виктория Сызарова (Игрим) па па хуятăт лупсăт, хуты атѣлт ѡкатты мосл. Вантѣ, шуши мир кѣтн нѣмша ёх вѣд, дыв едсаты юхтум мирăт вѣдтыйн едемтлăт мулды верты муй лупты. Щăлта мирхотăң ёх нѣмăссăт, муй арат пѣш тăмăш семинарăт верăнтты рăхл? Аршăк хуят нѣмăсдăт, Ёмвошн



хѣлумодмăрипѣшверты мосл. Игорь Потпот (Касум вош эвăлт) лупăс, хуты щимăш вĕндтупсы тухăдпи шуши мирăт емăңхăтлăт пурайн художникăт кăртăт хуши ияха ѡкатты мосл. Лѣдн дыв емăңхăтл, хăнты па вухадь вѣлупсы ат вантлăт, ѡхăт щи одăнăн хурăт ат хăншлăт.

Вĕндтупсы лăп тѣхăртты едпийн вĕндтылѣм ёх вѣн пѣмăщица Леонид Лара, Владислав Белых, Анна Лебедева па Надежда Молданова лупсăт, хуятат тăм вѣйтантупсы лѣшăтсăт па дывел арсыр ям верăта вĕндтăсăт. Мирхотăң ёх нумăс павăтсăт Интернет хуши лѣхсăңа йиты па щит унтасн кѣтлн пишмайтмуй хурăт китыйлды. Анна Лебедева лупăс, хуты

шимăш шир вѣд. Вантѣ, «ВКонтакте» хуши «Человек рисующий» тăхи вѣд, худта шуши мир художникăт верум хурăт пунсыйт па арсыр непекаѣт дыв однедн па вандтупсѣт одăнăн вѣдлăт. Тăм вĕндтупсыйн хăншум хурăт ѡхăт ищи щив пундыйт.

Мосл лупты, тăм мирхот грант вух унтасн лѣшăтсы. Культурадепартамент эвăлт юхтылѣм Дмитрий Пуртов лупăс, дыв елды ищи тăм хурасуп вĕндтупсѣта вух мийлăты питлăт. Лѣв нумсăлн, тăта хăншум хурăт интум ияха ѡкатты, щи юпийн щитăт Ёмвош музейн па Интернет хуши арсыр мира вантăты мосл, лѣдн аршăк хуят хăнты па вухадь художникăт ат вѣсăт.

Реональда ОЛЬЗИНА



Вухаль мир путрät етсät

2010-мит од товийн Ёмвошн «Именитые богатыри обского края» немпи олаңмит киника етäs. Ши вер пата ар ёр пунäs вухаль мир поэт Юван Шесталов. Шит шеңк вудаң непек, щата XIX-мит йисн вухаль хуятатн ариом, путартум йис арät ханшсыйт. Там ванан «Именитые богатыри обского края» немпи кимит киника етäs.



Кимит киника лэщätсät Югорской государственной университетн рэпитты ёх, шит Вадим Орлов, Светлана Динисламова, Альбина Мехнина, Юдит Дмитриева, Анастасия Сайнахова, Динара Гындыбина. Ши тумпи итэх путрät рүщ ясаңан теса лэщätс Санкт-Петербург вошн вэдты филологической наукайт доктор Герман

Ионин.

1880-мит олатн Югра мўвева Венгрия муv эвält ученой хө Б. Мункачи юхтыдäs. Лўв ар ол мår вухаль мир арат па путрät непека ханшсälдэ, щäлдта щитät венгерской ясаңа тулмащтäs. 1892-1921-мит олатн Будапешт вошн вухаль мир арät, стихät няд вөн киникайн етсät. Ю. Шесталов нумäs верäs там ханшум арät рүщ ясаңа тулмащтаты. Там киникая II томн етум путрät луңсät. Киника хөдум яснätн есälдсы: вухаль, венгерской па рүщ.

Манум тыдäщн Ёмвошн мир äктäщийлсät па ши киника олаңан путартсät. Светлана Динисламова путартäs ши вөн рөпатаед олаңан, вөн пөмашипа ясаң лупäs Юван Шесталов шөңата,



щит нумсан, шеңк вудаң, мутрайң ханнехө вөс. Альбина Мехнина ясаң төс, хутыса олаңмит киника лэщätты питсät. Юван Шесталов 2011-мит одн äнтөма йис. Лўв лäңхäs, лөдн олаңмит киника лэщätтум ёх елды төса ат рөпитсät, па щимäщ киникайт ат лэщätсät. Альбина Мехнина ясаңдал щирн, хөдмит киника паты иса путрät ханшсыйт, индыв киникая äкätлдыйт. Па дыв ин нядмит киника лэщätты вуратсät. А. Мехнина лупäs, хуты щäртäң путрätтулмащтуманухäд

шеңк кäшäңа вөс. Вантэ, ши путрät төп хө хуята тулмащтаты рäхл.

Мосл лупты, сыры Югорской государственной университетн вухаль мир фольклор äкätты лаборатория вөс, щит Юван Шесталов пўншäs. Лўв äнтөма ювмäl юпийн ши тäхи лäп төхärсы.

Там киника мосты питл иса хуятата, хуйтат вухаль ясаң вөндтаты лäңхалät. Вөн пөмашипа вухаль мир йис арät рүщ ясаңа тулмащтатум ёха, дыв вөн вер версät.

Надежда НОВЫЮХОВА

Якты-ариты хот вөс

Ай тэхет потты тыдäщ 24-мит хätäдн Ёмвошн В.А. Игошев немпи музей хотн рөпитты хуятат 12-мит ода питум емäңхätлэд постäsät.

Шит пата Ёмвошн вэдты Гнесиных немуп Российской академия филиал хуши вөндтыйлды нявремät вошäң ханнехуятат пата якты-ариты хот версät.

Щимäщ концерт лэщätтум не Елена Полей

ши олаңан тамиты лупäs:

– Хурät ханшты хө В.А. Игошев немпи музей хот тамхätл дўв сема питум емäңхätлэд постäl. Шит пата мўң хущева музыкальной академияйн вөндтыйлды пухät па эвет немасыя якты-ари-

ты хот вошäң миредпийн верлät. Кашäң ол мår там сўс тыдäщ пурайн тата концертät вандтälдүв па адлўв хуятата, муй щирн арсыр якäта па арäта мўң нявремät вөндтälдүв. Тамхätл рүщ арät «Млада» немпи тäхи ариты питл. Ши тумпийн мўң пухлўв па эвилўв сыр-сыр мирät арät муй як щирät па вандтаты питдät.

Юволаңан Елена Полей щимäщ айкел төс, хуты там йисн катра арät муй як хурасät хуятатн юремäты питсыйт. Шит пата там музей хот емäңхätл пата дыв хущеда вөндтыйлды айдат ёх төп йис арät ариты па катра як щирät адты лэщätтысät.

Владимир ЕНОВ

Ханты ясанг
(Хантыйское слово)
№21 (3393), 8.11.2013

Соучредители
Дума, Правительство
Ханты-Мансийского
автономного округа – Югры

Издатель
Департамент общественных
связей Ханты-Мансийского
автономного округа – Югры

Редакция

Главный редактор –
Решетникова Р.Г.
Телефон (3467)33-36-82

Заместитель главного
редактора – **Вах Н.И.**
Телефон (3467)33-24-02

Ответственный секретарь –
Новыхова Н.В.
Телефон (3467)33-24-02

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
www.khanty-yasang.ru

Отпечатано:

ОАО «Издательский дом
«Новости Югры» г. Ханты-
Мансийск, ул. Мира, 46.

Подписано в печать:

по графику 6.11.2013 г.
в 15.00.; фактически
6.11.2013 г. в 15.00.
Индексы **04393, 54393**
Тираж 2210 экз. Заказ **1367**.
Цена свободная

Газета зарегистрирована
Управлением Федеральной
службы по надзору в сфере
связи, информационных

технологий и массовых
коммуникаций по
Тюменской области,
ХМАО-Югре и ЯНАО.
Свидетельство о
регистрации ПИ №ТУ 72-
00796 от 23 января 2013г.
Мнение авторов
публикаций не
обязательно отражает
точку зрения
редакции.